

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO FINANSIJA
FEDERALNO MINISTARSTVO FINANSIJA
SARAJEVO

BOSNIA AND HERZEGOVINA
FEDERATION OF BOSNIA AND HERZEGOVINA
FEDERAL MINISTRY OF FINANCE
SARAJEVO

Broj: 05-02-5-5960/20
Sarajevo, 28.10.2020. godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
N/r Sekretara

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 04-11-2020			
Org. jed.	Broj	Priloga	Vrijednost
05/2	- 02 -	170	/20

PREDMET: Odgovor na delegatsko pitanje, dostavlja se

VEZA: Vaš akt broj: 05/2-02-170/20 od 30.07.2020. godine

Poštovani,

Vašim aktom, broj i datum gornji, dostavili ste delegatsko pitanje koje je podnio uvaženi delegat u Domu naroda Parlamenta Federacije Bosne i Hercegovine, Boris Krešić, a koje glasi:

Koji dokument predstavlja dokaz o izdržavanju djeteta čiji roditelji nisu u braku i kojima presudom suda nije određeno plaćanje alimentacije? Konkretno, šta roditelj koji nije u braku i kojem presudom suda nije određeno plaćanje alimentacije treba predati kako bi ostvario pravo na priznanje ličnog odbitka po osnovu rođenja djeteta?

Na postavljeno delegatsko pitanje, iz okvira nadležnosti Federalnog ministarstva finansija, a u skladu sa važećim propisima iz oblasti oporezivanja dohotka fizičkih lica u Federaciji BiH, dat je odgovor našim aktom broj: 05-02-5-1709/20 od 19.03.2020. godine.

S tim u vezi ponovo ukazujemo da postojeći sistem poreza na dohodak, po pitanju priznavanja ličnih odbitaka za izdržavanu djecu, prepoznaje:

- izdržavanje djeteta od strane roditelja sa kojim dijete živi u zajedničkom domaćinstvu (*kućna lista, rodni list djeteta, te ovisno o godinama starosti djeteta - potvrda o redovnom školovanju, potvrda biroa za zapošljavanje za punoljetnu nezaposlenu djecu, a koja nemaju vlastite prihode veće od 300,00 KM mjesečno - izjava na zahtjevu za izdavanje porezne kartice koju potpisuje porezni obveznik*) i

- izdržavanje djeteta od strane roditelja koji plaća alimentaciju za dijete koje ne živi sa njim u zajedničkom domaćinstvu (*rodni list djeteta, te ovisno o godinama starosti djeteta - potvrda o redovnom školovanju, potvrda biroa za zapošljavanje za*

punoljetnu nezaposlenu djecu, a koja nemaju vlastite prihode veće od 300,00 KM mjesečno - izjava na zahtjevu za izdavanje porezne kartice koju potpisuje porezni obveznik, dokaz o visini alimentacije – rješenje nadležnog suda o obavezi plaćanja alimentacije i dokaz da se alimentacija stvarno plaća – potvrda o mjesečnom plaćanju alimentacije).

S namjerom da se iznađe način za dokazivanje izdržavanja djeteta od strane roditelja u takvoj specifičnoj situaciji u svrhu ostvarivanja prava na lični odbitak po tom osnovu, data je uputa na Porodični zakon Federacije Bosne i Hercegovine ("Službene novine Federacije BiH" br.: 35/05, 41/05, 31/14) kojim je uređeno izdržavanje djeteta, odnosno prava i dužnosti roditelja u vezi izdržavanja djeteta, a koji između ostalog predviđa mogućnost zaključenja sporazuma između roditelja o visini doprinosa za izdržavanje djeteta u formi notarski obrađene isprave (član 238. Porodičnog zakona Federacije Bosne i Hercegovine), koji uz potvrdu o plaćanju doprinosa za izdržavanje djeteta može poslužiti kao dokaz u svrhu ostvarivanja prava na lični odbitak po osnovu izdržavanja djeteta.

S poštovanjem,



PO OVLAŠTENJU MINISTRICE
POMOĆNIK MINISTRICE

Mirjana Vučić
Mirjana Vučić